



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-1244/24
Sarajevo, 09.10.2024. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na 43. sjednici održanoj dana 09.10.2024. godine, primilo je k znanju

Informaciju o stanju uređenog dijela Bistričkog potoka.

PREDSJEDAVALJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Informacija
o stanju uređenog dijela Bistričkog potoka

Sarajevo, oktobar 2024. godine

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Nadležnost Grada Sarajeva u oblasti vodotoka proizlaze iz Zakona o vodama Federacije Bosne i Hercegovine, kao i Zakona o vodama Kantona Sarajevo, koji su prenijeli odgovornost nad ovom oblasti na Grad Sarajevo.

Prema ovim zakonima, Grad Sarajevo je zadužen za upravljanje uređenim vodotocima te za zaštitu, održavanje i čuvanje zaštitnih vodnih objekata koji su u njihovom vlasništvu, kao što su obaloutvrde i uređena korita.

S tim u vezi, Grad Sarajevo je donio Odluku o načinu korištenja, održavanja i čuvanja uređenih vodotoka na području grada Sarajeva („Službene novine Kantona Sarajevo“, broj 14/24) koja na osnovu navedenih zakona definiše obaveze Grada Sarajeva po ovom pitanju.

Svjedoci smo informacija u medijima o potencijalnoj opasnoj situaciji u toku Bistričkog potoka te Vas želimo informirati o trenutnom stanju uređenog dijela Bistričkog potoka, sa posebnim osvrtom na izazove vezane za neuređeni dio potoka, koji nije u nadležnosti Grada Sarajeva.

Uređeni dio potoka, koji je pod nadležnosti Grada Sarajeva, redovno se održava i nalazi se u čistom i urednom stanju. Gradski komunalni inspektor je izlazio na teren dana 08.10.2024. godine u 13:00 sati i konstatovao izvršen pregled ulazne građevine Bistričkog potoka. Navedeno je da se uređeni dio i ulazna građevina zacjevljenog dijela Bistričkog potoka nalazi u dobrom stanju te da nije potrebno čišćenje. Slike su u prilogu informacije.

Međutim, potencijalni problem se nalazi na lokalitetu kompleksa „Trebević Hills“ koji je u izgradnji i gdje je izvršena značajna sječa šume, povećan je rizik od klizišta, jer nije poznato jesu li ispunjeni svi standardi struke. Uz to, nasipi zemlje unutar neuređenog dijela Bistričkog potoka koji nije u nadležnosti Grada Sarajeva može predstavljati rizik od izlivanja vode uslijed obilnih padavina, što dodatno ugrožava objekte smještene na teritoriji Federacije Bosne i Hercegovine, odnosno Općine Stari Grad.

Poseban problem predstavlja složenost nadležnosti, budući da se gradnja odvija na teritoriji Republike Srpske, dok se potencijalno ugrožena imovina nalazi u Federaciji Bosne i Hercegovine. Grad Sarajevo će dodatno animirati nadležne općinske i kantonalne inspekcijske službe da poduzmu daljnje korake u skladu sa svojim ovlastima.

Smatramo da bez koordiniranih mjera u Istočnom Starom Gradu na čijoj teritoriji se izvode građevinski radovi koji uzrokuju sigurnosnu zabrinutost i sa nadležnim kantonalnim i općinskim organima, postoji ozbiljna opasnost od prirodnih katastrofa koje mogu uzrokovati materijalnu i ljudski štetu.